



08373

絳跗閣詩彙卷第六 乾隆丁巳至庚申

秀水諸 錦草廬著

受業

秀水周大同

而編圖

觀馬文毅公彙草辨疑書冊其旁注者為姪人顧氏之

筆 鴻硯集

辨疑兩縛公所寫捧來恍若騎箕下當時逆帥同姓名合鑄

烏金網惡馬

提鎮馬雄 絕援歸逆

孫吳作賊虛懸軍聲思死封疆臣

憐公僅辦擊賊笏作伴尚有中書君怒視鬱屈不流宕裂月

撐霆排榻上畫沙空倚平原顏籌筆數揮丞相亮君門萬里

難補戈一羣邛捉蔡州鷺春蛇秋蚓化為螫筆鋒霹靂摧蛟

鼉氣雄心壯臣節禿雨粟噉噉鬼夜哭燭龍無焰一室幽埋

絳跗閣詩彙

一

卷六

沒驅珠三百斛閨房之秀林下風筆翰造化天無功閭門死

難魯西復此亭却贏文信公簪花筆陣誰知寶未肯簽名奉

降表貞心不作斲腸花恨血留為指佞草

全氏書齋前叢竹

絲不如竹肉勝竹天籟何曾有根觸瘦緣無肉俗無竹此君

那可忘著錄重来茲寓凡七月相對一叢遲品目京師地氣

凍難裁潭柘曾聞勘他族何年獲此青琅玕翠袖嬋娟在空

谷一枝兩枝三五枝密密踈踈看簇簇上番苦遭雪花壓碎

首不辭鸞尾禿今春又覺日杲杲稚子握苗生意縮雞狗雜

還糞壤充何異高人受孛戮昨朝好雨浥輕塵一洗姿容如

膏沐脫綳新見出墻梢連茹頗欣抽矢束穿林會待月皎皎



靜夜還聽風簌簌即無好事蕭協律定有解嘲蘇玉局成材  
留取笛亭柯嘉名好配淇園綠却憶宮牆數籜龍盜逞斧斤  
坐梁肉余在金華署手植數本統崇聖祠後為司訓所伐過半

琳碧吳文曾同修浙志聞余遷官寄詩敬步原韻以誌  
舊好翁年蓋八十矣

遷延師散散喬英酒戶憂時不細傾每借好詩吟過日至今  
有味語難名稍欣畏壘三年熟余比年官婺州早晚穀頗豐稔強附虎彌一

隊成紫袖昭谷垂帛引自慚稽古老桓榮宋詩有宮城重

翠旂黃屋遍熙陽有道清時化日長八十杖朝傳戴聖清溫  
扇枕見黃香致師必濟惟堅壁弱羽衝風避挽強為問詩人

鮑明遠謂長興明府幾回相訪鄭公鄉翁長君大木賢而能文

絳跼閣詩彙

二

卷六

### 古藤歌

異哉古藤輦下少虬龍一本三枝繞盤根屈鐵露蜿蜒南北  
東西恣鱗爪昨秋發發來西風皮毛蛻盡筋骨同百千羊須  
珠挂鬚子如慈航環虛空砉然一聲摧葉下木難火齊紛交  
戶虛室生明戶牖光如見闢門與開牕今來五月遍清蔭何  
止殿閣生微涼晝披暑氣壓庚伏宵分月影穿虛屋相忘天  
日搃炎曦豈羨層冰藏壑谷此藤拂拭聞韓豪後來魏塘學  
士曾韓城張公領司寇臨川近復龍門高周公有模孔有楷  
後進仍推李元禮更有紫綵赤黃青炎帝經中爛竒偉松梓  
古度昔流傳杜若何慚薛荔拳不藉山中雙檟樹題名他日  
記君遷君遷實如轅子當是紫藤或曰羊東



御賜選穎三十枝墨六笏恭紀二首

象飾虛中管榮頒寶相枝數成連輻轂穎露處囊錐諫疏清  
時罕勲華史贊詞紀 恩深載筆疊荷

兩朝知

故事尚書賜推恩學士坡金壺書玉字膏雨潤嘉禾元德藏  
幽闇功夫到琢磨共傳封即墨汲引到巖阿

御賜織葛二製戴紗一端恭紀

涼生殿閣透形埤白葛輕容出藥闈玉局共誇紗縠第襄陽  
休賦薜蘿衣每慚袞職毫無補再著朝衫願不違今日熏風  
如立鵠回思春服共浴沂

陸挹豐不相見者十年都門話舊

絳跼閣詩彙

三

卷六

小陸何如大陸賢同居兄弟憶同年傳言玉女披黃絹沉醉  
東風羨綺筵且住為佳難袞袞少安無躁亦翩翩何時有約  
珠樓上坐看鷓鴣出沒烟挹豐善詞

傷盧溝

宸衷宵旰動民瘼翅足商羊報雨來豈意驕陽回馬鬣翻令  
平土作漸臺移時恐浸城三板一片誰能闔數枚袞職自慙  
無寸補安危須仗濟川才

葛枚臣孝廉見過

燕臺馳馬地閭戶鬪雞坑好句踈花笑抽思獨繭清承歡謀  
一昔寫卷費雙行白玉蟾高致長康配爾名

畫竹十五莖漫書其上



蕭郎畫竹如寒玉勁健清疎兩出奇趙氏連城珍什韻秋分  
顧兔影迷離須防蠹粉游絲罥莫為穿沙迸石移寄語雲霄  
十三輩一山森削藉扶持

黃山谷詩森削一山玉水北十三輩

次胡禮部鏡舫韻

早識柴桑歸去來貪看桃李乏周才略殊羨冢爭雄長尚恨  
埋輪未剪裁再上鑿坡陪後進當年廣殿侍雙枚筆花墨  
瀋均天澤華袞慙無報點埃

詩派何人溯委源狂湍支瀆各相尊神光黯淡珠沉浦燦火  
飛騰玉炎崑不有平川中砥柱焉知積石鑿無痕如君黼黻  
山龍手也賞孤芳到礪菴

謝侍御石霖學易圖

圖在軍中作

絳跼閣詩彙

四

卷六

虞翻昔南遷注易意何遠家傳五世學夢受三畫本冥升貞  
不息始泰惜終蹇可憐老窮愁竟作溫序返先生志義皇進  
退任舒卷身在陀羅海心包河洛渾仰觀送飛鴻俯察掉赤  
鯁神遊潛動外筌蹠忘闕捷水凌長河漸柳綫短袖挽玉門  
喜更入屬國歸未晚如逢負苓者征吉期莫緩

得北垣師信知在夔府奉寄

浹辰還過二秋蟀與春鷓無家羈薄宦去住任浮萍  
近接南來信傳言欲補官等閑平地險蜀道更加難

我思蘋村公被議竟出走至今繡衣坊

金郡坊各清風不去口為公

師舅氏

萼弱釣絲竹垂旌節花祇應朝日出相對望京華



何物能消遣雲安麴米春山雞齊着舞野馬盡超塵

余既為卜文作傳復題詩一首用東坡弔李臺卿韻

相逢十二年不知向西笑人皆混沌死翁獨舍七竅清時老  
不用冷落石上釣無人解扣擊所至造微妙武庫羅森嚴豈  
獨覩邊徼戈矛弓劍戟一一都檢料又能以神運不目能洞  
照晚嗟益坎廩交契托年少晨炊常不給問字誰道要惟餘  
此白業懷德貞不曜我歸悵空堂雪涕憑一弔若人埋於民  
餘子焉敢譙

匡山墨池二首荅臨川李大年

聞說匡廬勝芙蓉秀挿天清流童貢水神往止戈年進飯慚  
荀媪安枝贈柳圓還將讀書處一問李青蓮

絳跗閣詩彙

五

卷六

內史臨川地鷺羣換幾行村來壘釀少草積墨池荒忽覩通  
神筆堪為砭俗方異時青鏤管不讓小歐陽

演雅六言二首

喚起窓前懶婦催歸路上行人姑惡柔聲怡色伯勞輕併重

分  
蛺蝶春風貝錦蛛夜月機絲高蟬嘶向渠略之二蟲又何

知

讀南渡紀事詩贈谷林意林伯仲

州中燔燔賈紉業海內光光劉子相每歎異才多問世那能  
千載得同堂齊名瑜亮分吳蜀一姓機雲互短長何侶二難  
松雪裔揚鑣辟易唱黃虜



寓臨川會館纂修禮經即次大年來韻以當奉酬

屋山鵲查查彷彿止止吉頗慙學道人柴立掃虛室丈夫志  
四海守身當愛日向禽一貴賤朱戶等蓬華力勤務先勞遜  
席常後出不知何美好豈更患得失出門違膳養饗祀虛勿  
勿遙憐兒女小不與心頗切以茲寓京華方寸每恍惚母昨  
附書云修禮事當畢假如一絃廢彈聲不成瑟豈不憐苦心  
王事宜瀝血男兒垂令名莫逐蒼狗滅況當

聖主興禮賢出巖窟獸挺不亂羣魚獨不驚滴膏育泉石流  
併舉芟荷裂有道宜利見征車不柅轍謫籍自无悶揚庭亦  
可悅女孫亦嫻教近頗修棗栗勉哉事賢仁朋友皆膠漆行  
身不妄語久自神充實知雄寧執唯鬪巧利用拙芝草豈有

餘對閣詩彙

六

卷六

根么蠖空自沒忠孝識其要大學明本末汝家故貧賤矢志  
瘞錢穴苟偷與素餐凜凜當切骨毋酌酒沉湎毋出言匆卒  
沈酒酒有箴匆卒言無物饘粥雖澹泊外累少苗髮讀罷藏  
之笥如銘刻佩結長恐忝所生曉起烏嗁咽回思十年前炯  
炯立冰雪怕後丑時鍾時時翻着襪寅朝散班回一卷吟抱  
籟古人不可作微義隱曲折 京師人才數詎敢輕短褐徒  
觀隙中鬪未視顯處日孤情眇有見恐蹈無底慄爰披衆說  
陳左右脩行列僉同忽擢異治禁更須櫛敢矜刺古人垂舛  
待批抹人嗤老鸛鶴垂頭間何闊何來對舉舉古學慰飢渴  
談鋒在目擊心會非耳喝翻嫌曉曉學無理只取聒當年李  
氏蟠韓愈作師說余也忝世好心契有始卒擬結忘年交庶



使蒙蔽豁衆禽互翻飛不如一健鶻鴉狐莽回互歛起恣排  
突龍種渥洼出一匹敵千匹步塵自不動超詣看勇決瞬息  
三萬里攬轡轉愁疾隼發邁迨過幾為一門奪造物忌殊尤  
怪君更聳拔元冬當十月飄風正發發題詩字成削功夫知  
卧碣勁氣餘怒生神武貴不殺培風鷗鷗息廢業齊衰月再  
戰無再屈三捷誇三絕奪除五色紗圭合璋判別仍須志遠  
大瓊碎莫角折臯夔到榮號城娘并妹妲周環天地宇誦法  
古先哲貨色興亡機歷歷紹前烈上為邦家光下為黎庶活  
我佩君可冠履發不在闔瞳矐升觚稜鷗鷗集雙闕登壇期  
奮勉長歌唾壺缺君看韓淮陰定爾越蟲達

大年時有三月之服

### 李牧仲致泊梨一筐

綈跗蘭詩彙

七

卷六

驛使頻馳釘座佳芳津五夜護靈芽團藥色好同蘋果苞苴  
投來勝木瓜漱潤時繙青李帖報箋遙望暮雲賒無由領取  
冷梨訣煨食遠啗哀仲家

### 大年新橋詩韻賦答一篇

斯文有光華五綵或吐霓大冶具鑪鞫杏匠開山谿蹴躅萬  
馬驕指揮三軍低尚看乘其壟高壘深溝隄靜如處女伏弱  
似嬰兒擠神媧刮衆瞽雙九曜東西方丈高五千凌虛絕攀  
躋羣邪塞羅施騰身斥鞞蹠六鼉連一釣絕域版可稽此事  
我未能有如在壘驚那為龍門魚一躍千仞梯鱗爪帶雲霧  
寶珠脫汗泥君今雖被褐乎尹達庭閨榮光滿室中周防雷  
電携擬為三足烏莫作五眼雞一鳴奠河海再鳴走蛟犀洪



範自燭照無煩老人藜斗樞射芒寒星麗環磴臍

李叔言亦次前韻復答因自道歷官之事以為聞者戒  
八年雲霧窟鯁鰻化貪霓豈獨倒狂泉每恐成鱷谿鹿官喜  
似己心下首亦低此身偕跛鼈迴看驥躡隄騰蹕九折坂偶  
蹶非顛擠朝馳搏桑東夕刷虞淵西倏忽指頤間淵沈膝扶  
躡區區抱衷誠虛費幾赫蹠所經胥猾手有簡亦不稽中更  
三太守上下流波鷺羊狼并狼貪地天通有梯即令渙其血  
尚恨震遂泥姦強工侵奪理弱給華閨本非語呢喃掉首芝  
山攜我亦媿虛僑未能同木雞誰終為匏瓜無口但含犀吟  
君新橋韻冠杖起楮藜仍須吹毛刀屠羊截其臍

聽客談武夷山之勝

神附閣詩彙

八

卷六

傳說錢鏐王子騫賓雲遺構落人間乾魚漢祀何年始遺蛻  
巖阿不可攀擢轉菜瓜葵六曲徑無蛇虎雉三斑祗應借我  
虹橋板左摘星辰右控鸞

聖主躬耕藉田頌

有序

臣拜手稽首伏讀

皇上樂善堂全集留心穡事至重至周長言詠歌不一而足  
於賦則有耕耜稼穡惟寶多稼如雲麥秋等篇於詩古  
體則有灌麥觀刈觀穫蠲租騎秋而五日芒種插秧吟  
近體則有辛亥仲春 豐澤園演耕藉禮

世宗憲皇帝躬推應制十韻秋日播麥新生辛亥秋九月南苑  
行圍以穡事未果獵而還玉泉山見秋成志喜 御園



從耕恭紀甲寅耕藉

回鑿迎

駕恭紀

皇祖聖祖仁皇帝御題耕織圖四十六景敬和原韻凡見于

天章者一十八處皆心切民依文與道準淵矣至矣巍乎煥

乎茲際金鑑當懸玉衡在握一遵典禮吉日

躬耕求之雅頌之詩實合載芟之義臣親見

堯舜之君在是不能緘嘿無言謹撰乾隆 聖德詩一首以

頌其詞曰

天誕景運篤生我

皇澤沛清寧黎庶允康思文之功彼天克配乃粒烝民后稷

絲附閣詩虞

元

卷六

是對以 聖繼聖式法

世宗青宮無逸敬飭

皇躬煌煌

帝製御世覺世治統道統君師一致爛為卿雲釀為醴泉吐

為菁華以潤九躔祭重明燦首惟 御廩躬耕率先問夜未

寢廼整耕根乃樹羽蓋廼冠金鍍廼馳玉軼鹵簿次第秩宗

告虔農具既備典禮不愆旬之昀昀耕之澤澤匪僅民依繫

惟

帝力帝力何有不識不知寒燠雨暘庶微以時

帝心率時駿發千畝樂觀西成亦聿大有

帝光天下肇自東郊邠風如繪宵晝絢茅



帝祚孔固咸治內外天保采薇油油藹藹式序在位修禮以耕業廣惟勤若穀用成

諭爾卿士保介是訊罔逸罔諺以樂田畷田畷至喜以慶曾孫夫耕婦餉有噲盤飧春而于耜夏而耘耔秋而告成報賽伊始豐年薦馨上綏

皇考九歌勸之無斃永保

聖主臨雍禮成恭紀四律有序

皇上御宇方新恩綸遍布維持名教首重儒林管窺

聖學之日知信係多能于天縱然而念終始典于學寔維於

緝熙單厥心乙夜披虞夏商周之書學于古訓乃有獲

集序凜疑丞師保之輔其爾典常作之師啓沃弗輟于

終跼閣詩彙

十

卷六

經筵典禮一導乎

詣學坐而論道古有乞言

躬自臨雍茲惟善繼皇皇惟敬允為皇極之敷言

聖聖相承益見 聖謨之作善臣 前以中書備貲館選今由

教授

名試鴻編竊見匪匪翼翼之容濟濟翔翔之美爰咨帝鴻之

硯宣玉管之毫每懷烟墨之無言仰觀絲綸之日贊恭

紀七律四篇以陳之

宸座

甘盤舊學見圭璋 天亶聰明益就将莘摯致君堯舜上臯

陶颺拜股肱良



當陽事事皆朝正學古人人不面牆莫道園橋修故事睢麟  
精意脩王綱

一白

先皇詣學時至今俎豆繫人思深簷窳謹岐陽鼓 黃瓦重新  
大學碑澄若旋邛涵水藻鏗如孔壁動金絲今

皇憲老修前典摠是風行孝弟慈

棠梨樹下講堂前南北成釣廣厦連齊宿諸生觀濟濟會歸  
首善道平平菁莪棫樸須庠老廩粟食錢養上賢稽古愛民  
非二事居然嘉祐四真年

金和王節扣春容孔思周情折

聖衷鹿洞由來今義利座銘早已著西東性天未易窺牆仞  
絳跗閣詩彙

十一

卷六

文教行看徹頌宮共說書生

天子重辟雍鍾鼓見岐豐

酬蘭坡

六同休話上林邊聚散飛沈亦偶然張耳陳餘原合傳文翁  
高朕摠因緣各隨海上乘風浪獨避瀛洲下水船彈指十年  
猶小劫蓬萊重侍玉皇前

南華蘭坡寓甚近而詩皆敏喜其同調也復作一詩贈

之

鬻筆如魚也太憨豈知食葉有春蠶詩宗長慶方元白卷夾  
清漳共北南獨樹老夫家易認兩髯名士品無慙况經  
天子知名早後揭前揚摠盡堪



小雨得同年金一臣和詩見贈快甚復次一篇

雷聲殷金石忽下五綵霓雲氣雖不族烝霖在潛谿金鳩破  
蒼旻俯瞰曩屬低大河香象渡一跡不溢隄拓闕有神力血  
指何人擠頃聞署遷安社莠區東西咫尺曩倫堂矜劣不許  
躋暫假切玉刀割鮮在牛蹠簞中有死人暮夜投王稽而我  
閒浮沈一鷗還一鷺廟廊久無夢胥靡重登梯會合上巳辰  
湔祓揚其泥戴髮在家僧入社仍輩閨豈敢作矯異儒服故  
所攜敝蓋為埋狗伏雌不烹雞略殊魯秋胡桑下批郢犀不  
逢春夢婆豈識蒿配藜忍看豪家豪採蠟然金臍

金署遷安有治聲

雞栖行送謝叅議

疾風蓬勃反卻走車如雞棲馬如狗曲江上苑醉春風車如

齊耐閣詩案

十一

卷六

流水馬如龍感衰哀樂摠陳迹惟有浩氣排春冬先生發解  
占早歲繡衣中丞好家世朶殿簪毫又一時神羊角立驚彈  
刺批鱗一疏犯

九重堆堆瓜埃靖邊烽出闕百事不挂眼一卷周易韋編縫  
遭逢

堯舜還京洛不負平生仍蹇諤屢將經術撼公卿欲挽祥刑  
致臺閣有道昌言自無罪北堂久隔誰能各下請州倅見苦  
心近轉糧儲為民瘼應知此去擊強宗妖狐黠鼠盡潛踪下  
土耗數亟釐剔稼痒苗莠能姑容他時楚諺徵至公間濶莫  
逢諸葛豐食葱莫見屈突通亟須隄防是懸幟為君聲聞達  
帝聰



南豐李柱文次新橋韻答之

遇合有顯晦連蜷如天霓偶然散霞光倒影落清谿迷者執  
為有眇者見為低何異大旱年壅泉激成隄縱輕殿屎民亦  
思造物擠寧知西家東即屬東家西跛鼈未必跌快馬不終  
躋安步猶高軒藿食逾駝蹠壁間挂鳴夷遇箴作滑稽舌捲  
拋謝塵書懶忘王鷲惟有下學功初枕踏層梯寶珠蒙破褐  
青蓮出淤泥久之神充實觀妙無竇閨壤斷至者誰君來喜  
同攜嗜棗偏在羊食肋却以雞取妍亦物病癭木兼通犀何  
如無畫燈左腹不假藜況君家西江早浣腸胃臍

秋巖松桂圖為張葆孺先生作蓋不辱於逆藩者

天寶當年臨犖山青巖風節杳難攀韓元地下無雄筆花木  
紆跗閣詩臺

十三

卷六

含香搃一般

取向人間作大夫一枝幸得免樵蘇某邱某樹堪加敬門外  
何須問苑枯

上遣詹事臣紱

祭告禹陵恭述七律一首

錦繡山川越地多平壇空石百神呵八方風雨朝宗會包匭  
菁茅御仗過垂實千家圍橘柚澄江萬丈伏龜鼉令

皇致孝崇明德特勅瓊山薦玉禾

古風一首奉贈惠讀學天牧先生

養疴集

六書既茫昧津逮苦不數間或存什一形聲少商權浸淫譌  
經傳傳寫久綿邈陶陰夏五脫亥豕烏焉瞽排之則違衆隨



之則獵較出淵魚中鉤在林鶴受鉞反覆究其根短髮係尋  
約嗜書苦晚聞拙匠晚巧斷側聆江左賢著述前賢卓隱凡  
南郭綦待米東方朔先秦討陳迹易義恣搜籍鷓鴣鼠嚇鳴  
神力虎懼駁詞工山鬼矣扑急舍人暑明堂九賓陳脯削汰  
質濁大烹函牛鼎肉洎謝雉鷄貝五慶得芻玉二乃成珏左  
右逢其原先後同一覺往時虞仲翔近代顧文學林亭古今較  
屢推公也比蟬匯振衰狐干腋提要麟一角如以擣貫弗如  
以輻受掣不濡斯善泳不類斯善鮑雷聲聞隆隆禾穎見濯  
濯當年紅豆齋聯句詩一握枯條發新枝夏水濟冬梁屋轉  
逢伯陵圖仍米海岳紅豆圖明處士王諱勣中所圖花開當乙卯香夢透帷  
幄華平兆時和古度歷水電南還喜再名得與未為剝定跨

絳附閣詩彙

十四

卷六

繆龍流職典中和樂小子材駑鈍登席幸不設號矣旅同人  
規中自有壘

題宜城明邱相國殉節錄

時危同報國遠亦配睢陽授命遺書早幽囚後死傷全家憐  
覆沒流冠太披猖江夏英風在堂堂憶故鄉有感賀公逢聖也

追送少宰邵公鎮撫江南

陛辭溫室出 皇都節鎮姑蘇走傳車南斗纏吳稱息土富  
中紀越免苞苴篋焚諫草雞棲樹轅卓牙旗虎爪書炯炯十  
年冰玉署仍將風節示懸魚

沈晚叔西溪草堂圖

荷花十里桂三秋未抵寒香二月留兩事宜添沽酒市場愁



帚與釣詩鈞

曾探芳信沉烏篷  
乘柘濃陰處處同  
未必西溪能有此  
煩君指點畫圖中

亦有林泉侶  
畫圖園官深鎖叩  
虛無出山人去還  
山少強半驚猿怨鶴孤

聖代求賢擢隱淪  
藕衣蕙帶脫紛紛  
不妨辜負山靈約  
劉井柯亭且置君

何人曳杖到蓬門  
今雨蕭蕭舊雨昏  
不比羅浮離合碣  
溪西喚作沈尤村

方鏡次韻和汪上舍卜三

江心鑄就自南方  
縹緲層層不露芒  
無刃却教愁破膽  
隔垣絳跗閣詩臺

十五

卷六

豈曉透重光  
虛中未礙蛾眉粉  
容與從窺翡翠塘  
自是無波屏上井火龍  
黼黻待分張

舊規新樣兩難方  
仁壽軒轅亦渺芒  
每恨靈臺無執矩  
只憑隅角覓交光  
重阿藻井能懸鑑  
一片明河不起塘  
昔上迴環飛鵲繞  
寄言熱客莫侮張

渺渺予懷天一方  
曲江金鑑對森芒  
正於斌媚徵風度  
轉覺椒蘭畫化光  
好共地維當四鎮  
此中神物起長塘  
漫誇燕趙佳人對  
早入屏風御座張

意圓無我亦無方  
憎愛妍媸尚隔芒  
冰雪雙清睢衆目  
金絲萬道接飛光  
相逢佩玉長裾隊  
引勝中央四角塘  
若與容成加錫命  
古書星劍素琴張



題侯主簿攜兒度嶺圖

慈姥磯寒落木稀  
望夫石爛擣征衣  
過橋照見春衫影  
嶺上晴雲片片飛

紛紛擁篲魯東門  
詎抵侯生一劍存  
莫學夢遊輕失足  
相逢誰是信陵恩

奉

端慧皇太子金樽  
引至田村寢園恭輓三首

忽爾前星沒  
驚聞薤露章  
罷朝春不相  
俄掩月重光  
淚咽銅龍滴  
號呼鐵鳳翔  
晨風應輟誦  
難忘是倉唐

冲齡纔九歲  
安膳謹晨昏  
射獵隨獮狩  
詩書夙討論  
素驂風肅肅  
鹵簿列軒軒  
寒日荒荒白  
神輶奉寢園

絳附閣詩彙

十六

卷六

鸞輅臨園祭青宮  
禮數殊依然  
監國制不比  
下殤俎賓從悲何限  
天倫恨莫俱  
浹辰三跪奠  
朔雪叫晨鳧

少宰趙公晉秩大司空敬呈十二韻

聖世明良運  
尚書地望崇  
周官分少宰  
伯禹作司空  
水火聯曹掾  
山川奠正中  
成功符燮理  
一德協昭融  
往貳司農任  
旁招彥  
聖通薦賢宜  
上賞退食本清風  
簞簋移時飭  
泉流相古洪  
拜塵虛手板  
干牘屏郵筒  
露奏宸衷喜  
超升籓在隆  
綏猷咨六職  
論道比三公  
琴鶴貽清獻  
文章儼趙雒  
彈冠欣貢禹  
無曠代天工

汪舜陶讀書秋樹根圖

卷卷隨風葉  
埽之仍滿軒  
誤書思一適  
味義挾其根  
明月共



千里春華滋故園  
穹林看茂對得意已忘言

送天牧先生旋里

白駒何皎皎瘦共五車馳  
盡是丹鉛本非闕絕妙辭寧期  
落  
落下高詠伐檀詩  
見荀子  
經學如君少蒲輪遲

主知

禮學通三鄭歸心動五湖  
十年悲稻蟹一昔憶蓴鱸  
縹緲峯娟好書齋  
宅有無莫猜紅豆子製曲授吳趨

順德羅履先蘇瑞  
一兩孝廉見過均紅豆門下士也因  
東其鄉梁采山先生梁曾倚余鄉墨欲首薦者

五羊城闢自仙人金石遺文椎髻新  
南海神碑天子吏蠻夷  
大長老夫臣鄉書先後登才子  
健筆騰騫竦搢紳轉憶賢侯  
絳附閣詩臺  
是香祖解從九畹掇芳辛

七

卷六

清風行寄郭太守  
郭即墨人

慨然耆老胡不樂  
今年奪我使君郭使君袖裏只清風  
承家節操制府公一錢不受過劉寵  
宦橐蕭蕭兩肩聳津頭不聞打鼓船  
祇憑鶴唳聲聞天

宗室將軍德公總制浙閩

漢朝閩外將軍貴  
唐制皇家叔父尊  
獨坐班躋大司馬維城望重  
楚荆門新移玉節陽春脚共沐金莖  
湛露恩宗正一星

聯

帝座東南半壁鎮乾坤

始興人參上楚人歌波靜君山擁翠螺亭轉落帆分秀水幢



將入境蔭嘉禾林香著錄盈千卷退食從容勵五紵海上頻  
年勤底定安瀾須仗濟川過

初冬獨遊匡隱余舊讀書地

深林無一人彷彿響空谷別來二十年忘言老尊宿庵奉呂祖師像  
繞籬無黃蝶棲樹少山禽風牕自開閣落葉聚階深

刈稻擔村夫隔水見漁者不識賓中賓真從野人野

奉輓 官保冢宰甘公四首

官保台階重尚書北斗崇早年強項令此日黑頭公獨座無  
樞密 三朝矢至忠篋中餘薦剡戔事遂成空

三禮方華國千英選譽髦公典三禮及已未會試大槓裁虛心裁玉尺清節

矢冰操鵬翼皆隨化龍門本自高講堂知輟誦丹旆動蕭騷

絳跗閣詩臺

六

卷六

石隕悲星落珠藏悼鑑亡賻金中禁出茶奠大臣將謚付容

臺議號聞邸第長甘盤無舊學垂白轉心傷封公年十有一

丁巳年方夏微名特奏聞與修喪服傳有媿張吾軍沈范同

時賞鄒枚未後羣平生輕薤露思舊涕文法

張鍊師條山拄杖小影用東坡贈湜老韻

湛然寐照中至理不容遣自我給假回計月已九轉聞師抱  
目疾有杖羈巾衍此身如浮雲出入任舒卷瀛洲我舊路再  
至咲牛喘敢矜予挽強百蒺不思反忘言老尊宿合眼擁山  
繭杖亦不須投蓬萊看深淺

崔體仁來求節孝詩

可憐出腹已無翁回首鴛鴦付夢中但得綏山存一果任渠



人面逐春風

孝廉姓氏亦堂堂節母祠中奉辦香知有博陵家法在不吟  
十五嫁王昌

城南陳氏別墅

寒食城南路風花約不齊重門金屈戌浴馬錦障泥蜂暖尋  
香飲鶯遷出谷嘯王孫無近遠綠徧草萋萋

卷石玲瓏合茅亭略約過雙池流水注三月麗人多楊柳纖  
腰舞櫻桃映面酡呢喃簾幾拂也似戀行窩

六枳編籬潤三槐夾路斜芹泥隨乳鶯鳴鴨趁桃花堂密樅  
穿鼠流泉壑赴蛇屋山添喜氣滿聽鶻植植

脫實相當葉人言是赤棠小山叢桂暗一徑蕙蘭香古度偏  
絳耐閣詩彙

十九

卷六

宜瘦君遷最納涼謝家多逸興絲竹意何長

錢坤一澗上讀書圖

澗湖風物望中勻丙舍書樓畫逼真曾記鷗波亭子上水村  
寫與姓錢人

同時圖記竝名家手攬如披一幅霞九十九峯青未了八牕  
不隔鶴飛斜

甘泉宮長生未央瓦硯歌為朱吉思作

秦械陽齊香姜魏宮銅雀漢未央或圓而橢窪而方製以為  
硯皆精良就中長生屢表彰題詩幾輩誰擅場君家太史尚  
書王溯厥甘泉晡林光于山于水臨道旁遂名其宮瓦蓋藏  
微塵浩劫千滄桑蛩蛩咽烟茫茫何人收棄完無傷知非



作偽同甄甌昔曾誦詩未形相朱君吾友來鳳翔縑巾重  
開光芒爪圍一尺二寸強其弱繚繞字成行如錢如鑑起復  
隍質輕字皆毫釐明邈斯逝矣無中郎八分小篆誰端詳鼎  
壺鐘鏡靴刀鎗麒麟鳳凰逮石羊後來欵識隨存亡此何獨  
完跨長楊當年茂陵坐建章明廷郊祀朝玉皇紫薇東宮壽  
而康嚴徐東馬俱騰驤金聲玉振敬舉觴朱君得之喜且狂  
持歸不獨兆母祥時逢庚申

萬壽長法宮儉德軼漢唐

天子有道垂衣裳燎庭鷓鴣聲鏘鏘長生瓦兆如圭璋亟為  
裝潢雲錦襄寶光燭天麗文昌硯乎硯乎歸 帝鄉

何書裳秋水滌硯圖

絳耐閣詩彙

廿

卷六

湛然一片石中具十七史如逢向秀徒可以注莊子

馮翁孟三八十

姓源大樹雲臺舊詩格仙壇鳥篆新羅真人降乩緄行魴勤

流派別韓蘇李杜一家春合丹坐見滄溟闊浮白頻呼明月

親五老馮平耆英馮已行曾占二并君鼎足記庚申

朱翁春在圖

莫以藏春秘春光更不私春風隨杖屨春草上堦墀盍盍醉  
鄉外欣欣羣動時何人狀難寫花塢夕陽遲

若溪水

若溪之下水瀾瀾若溪之上石齒齒若溪之中女王氏作配  
于錢事君子君子未昏不幸死氏也吞金詰朝甦衰麻撫繼



動持禮雪色冰心輝娣姒女貞之木管彤煒阿翁鹿官識者  
鄙名節不重重財賄河有柏舟從沉彼不恤飢寒溝壑委溝  
壑雖委清莫比九原石椁歎茫茫過眼浮雲等流水

陳葆林補官金華教授遙寄

松風六月不知寒此去東連五百灘為是當年文獻地恐餘

屈宋作衙官

吉安周君尚中曾為府經  
歷所和沈約八詠最工

補棠詩和張年丈月槎

張守郡宜陽甘棠若在其境內僅存故地因補植十  
三本以昭古蹟并以芟棠題集而邀同志為之詩

甘棠新補十三枝今日疇賡召伯詩君子須眉皆甚口丈人  
清畏不鐫碑懸同合浦車爭挽豈必桐鄉像設祠他日韜軒

絳對閣詩棠

廿一

卷六

問原隰廣基臺榭幾人

知用韓王  
知觀基事

能令望國封嘉樹摠為風詩愛到令郭璞樊光勤補注白棠  
赤杜想連陰忘勞重整周行爰聽訟當年一片心詎似漫無  
薑桂性朱脣點綴不能禁

刑部負外蔡邃園置酒

詎後盍簪期離宮入奏隨白雲秋色迴丹鳳漏聲遲一榻移  
亭竹分羹折露葵味加魚雋永更乞萬安碑

食馬乳葡萄

馬乳垂垂白堆盤憶遠條性甜非卉醴采掬壓甘蕉瓊瓊真  
為婢離離欲引苗草龍珠帳下我亦羨曇霄

訪筵人



爽氣真堪挹西山翠黛橫夕陽新雨後聯轡小車行隱市無人覺垂簾見物情松枝如作塵折取拂塵生

聞龔碩果致于河南官署志悼

每見雄篇意氣馳飛揚跋扈冠當時何緣白玉招昌谷恨不黃金鑄范蠡筆底孫樵追逐愈才希葛亮倍于丕武林名士如君少循吏還添旅櫬悲

同年吳郎中聽松冊子

黃山之松去天尺蜿蜒虬龍畫不得紛紛下視柳與蒲飄蕩摧殘為誰惜我雖未陟黃山峯為君能說黃山松昂藏偃蹇任欹側奔放突兀排虛空高人壯士老尊宿瞥眼萬古開鴻濛天颺吼怒作鱗甲地籟醞釀酣笙鏞似濤無浪動洶洶有

蘇耐閣詩彙



廿

卷六

風含韻何雖雖無人會意開生面坐令勤宁明光宮南華山人為作畫邱壑胸中煇羣雅詩篇敏捷動 至尊走筆蛟螭恣揮寫敞廬堂前松一株二百餘年城市無春暉秋月滿庭戶冬夏青青長不枯知君愛松無物竝休沐歸來足顛性題詩松下一長吟解使風泉滿清聽

金修撰汝白小清涼山房圖

晏坐盧師處儒風不二門暑當三伏壓樹有六年存不礙藤梢刺祇看屋漏痕掩書西向立直上一峯尊

韋杜城南近崔盧甲第高小山今一簣曲水不容舸風月落

君手詩篇聯我曹潭中二龍子退食記金鰲

山房舊為屬尚書別業

局但舟為芥昏傲澤若焦人思逃汗漫我欲賦鷓鴣忽覩龍



眠畫平看輞水遙蓬萊原咫尺不隔一層霄

張南華畫

六館傳唐制承恩近浴堂簪毫趨 朶殿休沐寄閨房四坐

照冰玉九秋含雪霜高寒無內熱況飫蔗為漿

久不得張大理豈石消息因同年王九溪却問

不見張公十二年飄然江海氣雲烟客殊羊勝公孫詭人話  
相如魯仲連苦眼鋪眉真齷齪膏唇販舌厭便娟武昌魚共  
荊州鯽妄下稱量未必然

錢璵沙峯青草堂讀書卷

野眺平蕪盡江空木葉飛峯青一終曲心賞在知希羅刹濤  
休撼湘靈瑟漫揮還瞻天一柱賦取遠山巍

題十硯齋詩

薛耐閣詩彙

三

卷六

沅芷江蘿恨不窮儘教灌莽沒丰叢緣情綺靡無徐庾若个  
詞場繼國風

東友人

人間遇合原難必物外分明自不爭誰說黃金叩虛牝莫慳  
白壁易連城族庖解愛行厨味郢客猶侷刻羽清綫軟花虛  
翻式樣那知無縫本天成

謝鄭侍講筠谷前輩惠序拙彙魚蒙贈貞女詩一篇

聊投敝帚千金賞自得隨珠一座光詎有文章驚閣下過蒙  
題獎及閨房彈成寡女絲流涕嘯引干將匣吐芒暫假休吟  
遂初賦爾來公望屬錢唐

天牧先生以易說禮說見示



經師絕學幾人存，別有他山配岳尊。  
畫啓亡書三十櫃，遠過道德五千言。  
神獅懾獸毛先落，星宿窮源水不渾。  
奪席能令都輟講，臯比豈獨粵東論。  
先生視學廣東士子皆尊經學

范蠡湖感舊

釀酒清吟懷藥叟，慎縛禪勇猛憶賢公。  
巨章霸才留得伽藍地，題壁重尋扁額空。

孫諸玉禾

重訂

08373

絳耐閣詩彙

廿

卷六



